

Mga Bayani nga Babaye diha sa Basahon ni Mormon


Adunay daghang mga babaye diha sa Basahon ni Mormon kinsa maayo nga mga ehemplo alang kana-to. Aniyay tulo ka mga kard sa bayani aron madugang sa inyong mga koleksyon! Wala kita mahibalo sa tanan nilang mga ngalan, apan makakat-on gihapon kita gikan sa ilang mga ehemplo. Unsaon ninyo nga mahimong sama niini nga mga babaye sa Basahon ni Mormon?



Inyo bang makit-an kining uban nga mga babaye diha sa mga kasulatan? Paghimo og inyong kaugalingong kard sa mga bayani alang kanila ug padad-i mi og litrato!

- 1 Nephi 7:19. Kini nga mga babaye mipakita og kaisug pinaagi sa paglaban ni Nephi. Kinsa sila?
- 2 Nephi 5:6. Kini nga mga babaye mituo sa Dios ug misunod ni Nephi paingon sa kamingawan. Kinsa sila?
- Alma 56:47–48. Kini nga mga babaye mitudlo sa ilang mga anak mahitungod sa Dios. Kinsa sila?

[Mga tubag: anak nga babaye ug asawa ni Ishmael, mga igsoonog babaye ni Nephi, mga inahan sa batan-ong mga manggugubat]

 Guntinga, pil-a, ug tipigi kini nga mga kard sa hagit!


MGA PAGHULAGWAY PINAAGI NI JARED BECKSTRAND



Makatuo ko!

Ang asawa ni Lamoni adunay hugot nga pagtuo nga si Ammon usa ka propeta sa Dios. Mamahimo kamong sama sa asawa ni Lamoni pinaagi sa pagbaton og hugot nga pagtuo sa atong propeta ug mga apostoles karon!

- Basaha ang Alma 19:2–5, 8–10.
- Pagtan-aw og usa ka pakigpulong ni Presidente Monson sa komperensya. Nagtuo ba kamo nga siya usa ka propeta sa Dios?
- Akong gihagit ang akong kaugalingon sa . . .



Makaangkon ko og Pagpamatuod!

Si Sariah nakaangkon og pagpamatuod nga ang iyang bana, si Lehi, usa ka propeta sa Dios. Mamahimo kamong sama ni Sariah pinaagi sa pag-angkon og kaugalingon ninyong pagpamatuod ug pagpakigbahin niini sa uban!

- Basaha ang 1 Nephi 5:7–8.
- Isulat ang imong pagpamatuod o ipakigbahin kini ngadto sa usa ka higala o sakop sa pamilya.
- Akong gihagit ang akong kaugalingon sa . . .



Makasulti ko!

Si Morianton usa ka dautan nga tawo. Iyang gibunalan ang usa sa iyang mga sulugoon, ug ang sulugoon nakahukom sa pagsulti kang Kapitan Moroni sa mga butang nga gipangbuhat ni Morianton. Mamahimo kamong sama sa sulugoon nga babaye pinaagi sa pagsulti kon ang mga butang dili tarung!

- Basaha ang Alma 50:30–31.
- Kon adunay modaug-daog kaninyo, o kon nakakita mo og tawo nga gidaug-daog, isulti ngadto sa usa ka hamtong nga inyong gisaligan.
- Akong gihagit ang akong kaugalingon sa . . .
